

Dua lokasi

SA 16/4/2019 m/s 23

etak gred A



Geral Kak Yah dibuka awal pagi sehingga menjelang petang dan kebiasaannya etak habis dijual.

Bendang Morak, Kampung Kasar jadi tumpuan penggemar

Kampung Kasar, Pasir Mas dan juga Bendang Morak, Tumpat adalah dua kawasan yang menjadi sering menjadi tumpuan untuk mendapatkan etak gred terbaik di negeri ini.

Atas faktor itulah, Rosnani Jaafar dari Wakaf Aid, Tumpat ini memilih untuk memborong etak di gerai Etok Tigo Raso Kak Yah Di Bendang Morak.

Dimaklumkan etak yang dijual di sini diambil dari Thailand dan juga Pahang yang diakui memiliki rasanya berlemak dan setiap biji itu bersaiz besar.

"Bukan setakat besar, malah harga yang ditawarkan juga berpatutan. Sebab itulah kebanyakan pembeli akan mencari etak di dua kawasan ini.

"Saya memang akan ambil stok etak dengan Kak Yah hampir setiap hari. Memang etak Kak Yah sedap, lemak manis. Pelanggan pun suka.

"Walaupun jauh, tapi saya tetap datang untuk penuhi permintaan pelanggan di tempat saya berniaga," katanya.

Bekalan dari Thailand

Wan Rabiah Wan Ibrahim, 56, yang menjual etak sejak tujuh tahun lalu di Tumpat, dia lebih suka

mengambil bekalan dari Thailand dan Pahang.

"Etak di Kelantan saiznya tidak besar kalau dibandingkan dengan negeri luar. Jadi setiap hari akan ada orang yang datang hantar bekalan etak di rumah," katanya.

Katanya, untuk etak mentah dia membelinya dengan harga RM200 untuk 25 kilogram tetapi nilai tersebut sentiasa berubah bergantung pada kesukaran mendapatkan bekalan.

Tambah Wan Rabiah, perkara itu sudah biasa, namun dia berusaha untuk mendapatkan etak terbaik untuk memuaskan hati pelanggan.



NORHAZLINA

HARGA ETAK DI PASARAN

RM8-RM10 sekilogram*

RM15 untuk satu sukatan tin susu pekat


"Kalau nak tahu, harga etak ini lebih mahal dari secupak beras," katanya yang mengakui kadang-kadang mengeluh dengan harga etak.

Wan Rabiah mengakui, sejak kebelakangan ini ramai yang mempersoalkan harga susulan kenaikannya mendadak namun disebabkan 'gian' terhadap etak, itu tidak menjadi masalah besar kepada penggemarnya.

Dalam pada itu dia berkata, dalam masa sehari dia boleh menjual lebih 800 kelongsong etak bermula dari jam 9 pagi sehingga 4 petang.



Rosnani sentiasa memilih etak Kampung Bendang Morak untuk dijual di kampungnya di Wakaf Aid.



Etak yang sudah disalai dijual dengan harga yang berpatutan.

Etak salai tetap pilihan

Selain di Tumpat, laluan detretan jalan berdekatan Sekolah Kebangsaan Mekasar, Pasir Mas juga boleh dianggap sebagai perkampungan etak salai dan ia memang lokasi tersohor.

Terdapat lebih 10 gerai kecil dibuka bermula dari jam 9 pagi hingga 2 petang itu pun bergantung pada jumlah etak yang dibawa pada hari tersebut.

Di sini, hanya dijual etak salai dan tiada perisa lain.

Resipi orang lama tetap terbaik

SEORANG peniaga di Kampung Kasar, Norhazlina Ismud, 39, berkata, dia sudah 12 tahun menjual etak setelah mewarisi perniagaan yang ditinggalkan arwah ibunya. Katanya, biarpun harga

sudah mahal berbanding sebelum ini tetapi setiap hari dia berjaya menjual 13 kilogram etak salai dan juga yang mentah.

"Kalau dua tiga tahun lepas saya boleh jual RM5 satu leng (bekas bersaiz tin susu pekat)

etak mentah tetapi sekarang ini sudah naik kepada RM10.

"Mahal pun orang beli sebab keaslian rasa etak salai di sini memang original. Kita guna resipi orang lamlama," katanya.